



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

**Beati, Gabriele**

**Augustæ Vindelicorum, 1729**

**VD18 90108957**

60 An peccatum veniale, fieri possit mortale, ratione multiplicationis, ac frequentiæ.

**urn:nbn:de:hbz:466:1-39908**

## Q V A E S T I O L X .

*An peccatum veniale fieri possit mortale, ratione multiplicitatis,  
ac frequentia.*

C A S V S .

**T**ITIVS initio Quadragesimæ proposuit, singulis diebus, parum alii quid carnis comedere, & de facto comedit. Quæritur; Vtrum mortaliter peccauerit.

S V M M A R I V M .

- 2 Plura venialia, constitueri videntur vnum mortale.
- 6 Venialia, alias sunt vniuersalia alia non.
- 7 Propositum committendi plura venialia, quando sit mortale.
- 8 Regula ad dignoscendum, que venialia sint vniuersalia.
- 9 Plura venialia committens, per se loquendo, venialiter solum peccat.
- 10 Plura venialia, ratione frequentia, speciem non mutant.
- 11 Solam implicatio, non auget malitiam.
- 12 Nec reddit venialia incompossibilia cum gratia.
- 13 Plura mortalia, non constituant vnum mortale maius.
- 14 Quæ venialia, siant tandem mortale.
- 15 Sola frequentia venialium, non est legis contemptus.
- 16 Cur plura furtæ leuia, constituant tandem vnum graue.
- 17 Sapienter comedens die leiunij, tandem mortaliter peccat.
- 18 Et eodem die festo sapienter laborans.
- 19 Pluribus, modicum panis tribuens, die mense eiunij, mortaliter non peccat.
- 20 Pluribus diebus, salutationem Angeli.

cam omittens, quando mortaliter peccet.

21 Religiosus minima usurpans, quando mortaliter peccet.

22 Furtum de se leue, quando sit mortale.

23 Plura furtæ leuia, diuersis facta, quando siant mortale.

## RATI ONES DVBITANDI.

**C**Vm peccatum ex genere suo veniale, ratione periculi proximi incidendi in mortale, & ratione scandali, aliquando saltem fiat mortale. Quæritur; an fieri possit mortale, etiam ratione consuetudinis, ac frequentia; aliqui enim cum S. Augustino epist. 108. ad Seleuc. dicente; si venialia collecta contra nos fuerint, ita nos grauabunt, & oppriment, sicut vnum aliquod grande peccatum; id asseruerunt, & consequenter Titium peccati mortalis condemnarunt. Ut Angelus v. inobedientia. Fagundez de præc. Eccl. p. 1. lib. 1. c. 14. nu. 3. Tolet. lib. 6. sum. c. 25. num. 1. Valent. 2. 2. d. 6. qu. 6. p. 4. Clavis reg. lib. 2. c. vlt. n. 21. Rodrigu. p. 2. sum. c. 99. n. 1. Primò; Quia ex S. Augustino tr. 1. in ep. 3. D. lo. multa peccata leuia faciunt vnum grande, sicut multæ guttæ, implent flumen,

Q q 2 men,

men, & multa grana faciunt massam; &  
ser. 41. de Sanct. non solum maiora, sed  
etiam minuta, si nimium plura sint, mer-  
guntur. Cum ergo Titius, singulis diebus,  
parum aliquid carnis comedetur, videatur  
ratione multiplicationis, ac frequentia  
mortaliter peccasse.

**4** Secundo; Quia, qui ex consuetudine  
contra legem delinquit, hoc ipso peccare  
videtur ex legis contemptu; ipsa enim pec-  
candi consuetudo, contemptus quidam le-  
gis censetur. Qui autem peccat ex con-  
temptu, mortaliter peccat.

**5** Tertio; Quia, qui, per plures dies, ex  
vineâ alienâ vnum racemum furta etur, li-  
cet singula furta essent solum venialia, post  
multatamen furta, tandem peccaret mor-  
taliter. Ergo similiter, quamvis singulæ  
carnis comediones fuerint solum veniales,  
post multas tamen, Titius tandem mor-  
taliter peccauit.

#### NOTABILIA.

**A**dvertendum est primò; Peccata venia-  
lia, quæ, ratione paruitatis materia, talia sunt, duplicis esse generis; aliqua en-  
im, vel ratione materia, sive obiecti, vel  
ratione effectus, quem post se relinquunt,  
continuari possunt, & vñiri; aliqua vero  
non. Illa, quorum materia, vel effectus  
vñiri moraliter potest, ita ut pro uno repu-  
tetur, constituere tandem possunt vnum  
peccatum mortale, non quia plura venia-  
lia efficiant vñquam vnum mortale, sed  
quia ultimus actus, versatur circa materi-  
am, vel producit effectum, qui cum præ-  
cedentibus continuatus, est sufficiens ad  
peccatum mortale. Sic qui post leuia fur-  
ta, peruenit ad tantam quantitatem, quæ

coniuncta cum præcedentibus, constitutat  
materiam notabilem, per ultimum furtum  
mortaliter peccat, quia peruenit ad quanti-  
tatem notabilem, & quæ infert proximo  
damnum graue. Similiter, qui sibi  
intemperanter cibum capit, tandem mor-  
taliter peccat, quia ultima comedio simul  
cum alijs præcedentibus, tandem est cau-  
sa adæquata notabilis infirmitatis; præ-  
cedentes autem comediones mortaliter  
vniuntur, non ratione temporis, sed ratio-  
ne effectus, qui à præcedentibus comedio-  
nibus relictus est; illæ enim fuerunt  
via, ac dispositio ad grauem corporis in-  
firmitatem, quam ultima deinde comedio,  
suppositis præcedentibus, causauit. Illa  
vero, quorum materia, vel effectus con-  
tinuari non potest, nunquam constituere  
possunt vnum peccatum mortale, quia  
singulæ materia, & singuli effectus, sunt  
parui, & cum semper remaneant divisi,  
absque morali continuatione, semper re-  
manent parui, & consequenter ultimum  
peccatum, retinet qualitatem peccati ve-  
nialis, sicut primum. Sic quantumuis  
multiplicantur mendacia iocosa, semper  
remanent venialia, quia semper eandem  
malitia retainent; sola enim multiplicatio,  
sicut non constituit actum in alia spe-  
cie, ita nec auget peccati grauitatem in-  
tensiue, sed solum extensiue, constituendo  
solum plura peccata eiusdem rationis.

Advertendum est secundò; Proposi-  
tum committendi plura peccata venialia  
secundi generis, nunquam per se loquen-  
do esse mortale; cum enim modice ille  
materia non coalescant in vnam, ita con-  
iungi non possunt, ut vnam quantitatem  
notabilem efficiant; Vnde propositum  
illud, nunquam feretur in rem grauem,

ac sufficientem ad mortale. Propositum verò committendi plura peccata venialia primi generis, potest esse mortale; quia, cum modicæ illæ materiæ, coalescant in vnam, constituere tandem poterunt materiam notabilem, & sufficientem ad mortale, in quam propterea si feratur propositum, erit mortale.

**8** Aduertendum est tertio; Hanc tradi posse regulam generalem ex Vafq. I. z. d. 146. c. 2. n. 3. Quotiescumque materia, vel obiectum, vel effectus ultimi peccati venialis, continuari potest cum materiâ, vel obiecto, vel effectu actuum præcedentium, tunc ultimum peccatum, in quo materia illa, vel effectus completur in ratione notabilis, est mortale, quamvis aliâs esset veniale; quia iam versatur circa materiam notabilem. Quando vero materia, vel effectus ultimi peccati venialis, moraliter continuari non potest cum materiâ venialium præcedentium; tunc ultimum peccatum non est mortale; quia singulae materiæ, sunt paruæ, & remanent diuisæ, absquæ morali coniunctio ne; Vnde ultimum peccatum versatur circa materiam paruam, sicut alia; ideo que remanet veniale. His positis.

## RESOLVTIO.

**A**D Casum Respondetur; Titium, carnes in modica quantitate, singulis diebus Quadragesima, comedendo, venialiter solum peccasse. Ita Sanch. lib. I. summ. c. 4. num. 15. & c. 5. num. 2. Azor. lib. 4. c. 9. quæst. 11. Sotus lib. 7. iust. qu. 2. art. 1. Suar. 10. 2. de relig. lib. 5. de voto c. 5. num. 2. & 10. Vafq. I. z. d. 146. c. 2. infine. Garziastem. 1. de benef. p. 3. c. 1.

num. 169. Beccanus p. 2. tr. 2. c. 2. quæst. 5. num. 2. & alij communiter.

Primo; Quia comediones illæ repli- 10 cate, erant omnes eiusdem speciei cum primâ, non minus quam plura mendacia iocosa sint eiusdem speciei, cum primo. Sed prima comedio fuit solum venialis; Supponitur enim in materia leui. Ergo etiam reliqua fuerunt solum veniales.

Secundo; Quia sola replicatio, & 11 multiplicatio, non constituit per se lo quendo actum in aliâ specie diuersa, nec auget peccati gravitatem intensiè, sed solum extensio; ex eo enim, quod plures actus in vnum collecti sint, naturam non mutant; fiero singulæ comediones, seorsim, erant tantum venialia, etiam omnes simul fuerunt solum venialia.

Tertio; Quia multa venialia proxime, 12 ac immediate non priuant nos gratia, nec sunt incompossibilia cum illa. Ergo constituere non possunt vnum mortale; hoc enim stare non potest cum gratiâ, sed ilam omnino expellit.

Quarto; Quia plura peccata mortalia 13 eiusdem speciei non constituunt vnum peccatum mortale maius, nec alterius speciei. Ergo neque multa venialia constituere poterunt vnum mortale.

## OBJECTIONVM SOLVTIO.

**A**D rationes in contrarium Respon- 14 detur; Ad primam; S. Augustinum loqui, non de quibuscumque venialibus, sed de illis, quorum materia continua ri potest, & facere vnam materiam maiorem sicut guttae aquæ continuantur, &

Q. q. 3 faci-

faciunt vnam aquam maiorem; in his enim, materia talis est, vt per partes minutus maior facta, tandem sit materia peccati mortaloris, eo quod facta sit grauis; vt, si quis furtum vnius oblicenties repeatat, vel si ex dolio parum vini effundat, & ita subinde parum, vt totum tandem vinum exhaustiat; vel si promittat, singulis diebus erogare pauperibus vnum obolum & millies deneget: At in illis, in quibus materia per partes non crescit, eo quod singula peccata ex se integrum, ac completam materiam, & obiectum habeant; vt sunt mendacia iocosa, verba otiosa, leues nugae, risus immoderatio, sermo inurbanus, & similia; nullum potest dari peccatum, q[uod]o[m] tandem sit mortale; quia quantumuis repeatantur, semper sunt eiusdem speciei, cuius fuit primum, & finis Legislatoris, eodem modo lauditur per aetates repetitos, ac si repetiti non essent.

**15** Ad secundam Respondetur; Solam frequentiam, ac consuetudinem venialium, non esse propriè contemptum legis, vel præcepti; contemptus enim, in sola voluntate interius perficitur, non vero in opere externo, cum consistat in transgressione legis, facta ex intentione, Superiore, eiusque potestatem contemendi; quæ intentio hic non reperitur.

**16** Ad tertiam Respondetur; Negando consequentiam; Disparitas autem est, quia plures illæ comedestiones, nihil habent, in quo vniantur, ac continentur, ita ut efficere possint vnam materiam grauem, & sufficientem ad mortale, sicut efficere possunt plura furtæ; quæ tamen constituunt peccatum mortale, non quia multa furtæ parua constituant vnum

furtum magnum, sed quia, te aliena per minimas partes furtim sublatæ, tandem graue damnum Domino infertur.

### COROLLARIA.

**C**olligitur ex dictis primò; Comedentem sæpius in die ieunij, tandem ultima illa comedestio, quæ peruenit ad quantitatem notabilem, violare ieunium; quia illa ultima comedestio, quamvis per se sumpta, leuiter solùm laederet temperantiam, coniuncta tamen cum alijs, & alijs suppositis, eam grauiter laedit; moraliter autem coniungitur, ratione prohibitionis, quæ se extendit ad totam diem; sicut, propter eamdem rationem, plures particulae eiusdem diei, vniuntur ad constituendum tempus notabile, ideoque reputari debet, ac si esset simul cum alijs facta; Contra vero, si quis, diuersis diebus, parum aliquid comedat, quia vnum ieunium, cum alio non continuatur, sed sunt præcepta diuersa, neque comedestio, uno die facta, cum comedestione alterius diei, ideo nunquam, nisi venialiter peccat; neque propositum aliquid comedendi singulis diebus, excedit culpam venialem, quia, cum feratur in omnes illas comedestiones, non coniunctim sumptas, sed separatas, & distributiuè, prout sunt singulis diebus debitæ; sequitur, quod nunquam sit propositum de mortali. *Suar. lib. 5. de Voto c. 5. n. 16.*

Secundò; Sæpius eodem die festo laborantem, sed modico tempore singulis vicibus; peccare mortaliter, cum ad quantitatem notabilem; v. g. duarum horarum peruerterit, quia omnes illi labores,

res, cùm fiant eodem die, moraliter continuantur, & reputantur quasi facti in eodem tempore; Verum enim est dicere, eum ultra duas horas, eodem die, laborasse; cum obligatio, totam diem respiciat. Contra verò, si singulis diebus festis, per quadrantem laboraret, venialiter solum peccaret, quia, sicut festa diversa sunt, ita & labores sunt diversi, nec inter se ullo modo continuantur. *Sanch. lib. 3. sum. c. 4. num. 12.*

19 Tertiò; Mortaliter non peccare, quidie ieiunij, quatuor panes, ita in multos distribuit, ut singulis modicū frustulum obtingat, quia, cum materia non sit sufficiens ad ieiunij violationem; distribuens non magis peccat, quārē comedentes: Hi autem, mortaliter non peccant, eo quod eorum comediones moraliter non vniuantur; idemque dicendum esset, etiam, si esset in causa, ut plures, eodem die festo, per quadrantem laborarent.

20 Quartò; Si quis, pluribus diebus, omissit Salutationem Angelicam, vel parvam eleemosynam, quam per Votum singulis diebus dare promisit, mortaliter peccare (si tempus determinauit non ad finiendam obligationem, sed potius ad illam augendam, eo modo, quo tempus p̄æfigitur debito soluendo, non ut debitum extinguitur, si in illo non fiat solutio, sed ne solutio ulterius protrahatur, & adueniente termino, sit magis debitor;) quia tunc, non solum omittitur recitatio, vel eleemosyna illius diei, sed etiam omnium dierum præcedentium, quæ tunc debita est, & consequenter grauis; Contra verò si tempus determinauit ad finiendam obligationem, eo modo, quo

dies p̄æfigitur recitationi Officij diuinj, ita ut res promissa, sit onus diei, nunquam mortaliter peccat; quia qualibet omissione, moraliter non continuatur cum aliâ, neque cum illâ unum quid efficit. In Votis autem personalibus, tempus semper censemur appositum ad finiendam obligationem; quia Vouens, nullo modo censemur velle obligationem in diem sequentem prorogare, nisi aliud constet. In votis verò realibus, facilius p̄æsumi potest intentio prorogandi obligationem, quia attendi videtur, non solum religiosum aliquod obsequium, sed etiam aliquiū necessitatis remedium, quod eandem semper habet opportunitatem. *Suar. lib. 5. de Voto c. 5. n. 12.*

Quinto; Religiosum, minima recipientem, vel dependentem, aut usurpatum ex bonis monasterij, absque Superioris licentiâ, mortaliter peccare contra paupertatem, quando peruenit ad notabilem quantitatem; quia illa modica, vniuntur ad constituendam quantitatē sufficientem ad mortale. Si tamen modica, quæ accipit Religiosus, sint cunctabilia, & ad proprium usum accepta, probabilius est, furta illa minima non continguari, sive non esse peccatum mortale, quamvis perueniat ad notabilem quantitatem, quia hæc furta, facta à famulis, & ancillis, etiam si paulatim perueniant ad quantitatem notabilem, non sunt peccatum mortale, eo quod Domini, in istorum acceptione, non sint ita rationabiliter inuiti, nec tam rigidè velint ista prohibere, cum valde difficile sit, famulos interdum modicum quid non accipere. Hæc autem ratio, multò fortius militat in religiosis, cum hi,

hi, non ad instar famulorum, sed tanquam filij ex bonis monasterij alantur.  
*Sanch. lib. 7. sum. c. 21. n. 31.*

**22.** Sexto; Eum, qui modicam quantitatem postremo loco furatur Sempronio, postquam hic ab alijs passus est damnum leue, si eo furto, damnum pæcedens fiat notabile, peccare mortaliter, si conscientius erat damni præteriti; quia illo ultimo furto posito, positum est notabile damnum proximi. Quicumque autem sciens, ex suo actu leui sequi damnum notabile proximi, mortaliter peccat, eum actum faciendo. Si vero conscientius non erat damni præcedentis, mortaliter non peccat; quia, si non sit conscientius damni præcedentis, damnum illud liberè, ac moraliter continuari, non potest cum præcedentibus. *Vasq. I. 2. d. 146. c.*

**2. num. 4.**

Septimò; Eum, qui furatur à diuer-<sup>23</sup>sis, à singulis quidem modicam quantitatem, sed ita tamen, ut omnia furtæ simul sumpta, quantitatem notabilem efficiant; mortaliter peccare; quia, licet singulis damnum notabile non afferat, affert tamen totū Communitati, & materia illæ moraliter continuantur ad constitutandam quantitatem notabilem. Vsurpatio autem rei alienæ in notabili quantitate, est peccatum mortale furti; Et quamvis, in hoc casu particulari, cessaret finis præcepti, qui est, vitatio damni notabilis proximi; quia tamen non cessat in communi, non propterea cessat vis ipsius præcepti; Cessante enim fine legis in aliquo casu particulari, non cessat lex, etiam in eo, obligare.

## Q V A E S T I O LXI.

*An pluræ venialia diversæ rationis, constituere possint unum mortale.*

### C A S V S.

**1** N vna ex Dominicis Quadragesimæ, Clericus quidam in Sacris, parum aliquid carnis comedit; per quadrangulum laborauit; partem modicam Sacri non audiuit; & in Officij recitatione vnum psalmum omisit. Quæritur; Vtrum mortaliter peccauerit,

#### S U M M A R I V M.

- 2** Clericus plura præcepta leviter violans, videtur mortaliter peccasse; & cur.
- 7** Probabilius tamen venialiter solum peccauit.

- 8** Materie illorum præceptorum, in vnum coalescere non possunt.
- 9** Quodlibet præceptum speciale ac proprium finem respicit.
- 10** Leues detractiones de pluribus sunt solum veniales.

**II Ad**